

## Evangelium vum 2. Sonndeg no Chrëschttag (Joer A - B - C)

### Joh 1,1-18

G. *Den Här sief mat iech all.*

A. *An och mat lech.*

G. *Aus dem hellegen Evangelium nom Johannes.*

A. *Dir all Eier, Här.*

- 1 Am Ufank war d'Wuert,  
an d'Wuert war bei Gott,  
a Gott war d'Wuert.
- 2 Am Ufank war et bei Gott.
- 3 Alles ass duerch et entstan,  
an ouni d'Wuert ass och net eppes entstan vun deem,  
wat entstan ass.
- 4 An him war d'Liewen,  
an d'Liewe war d'Liicht fir d'Mënschen,
- 5 an d'Liicht schéngt an der Däischtert,  
an d'Däischtert huet et net ugeholl.
  
- 6 Do war e Mënsch, dee vum Herrgott geschéckt gouf;  
hien huet Johannes geheescht.
- 7 Hie koum als Zeien,  
fir Zeegnes vum Liicht ze ginn,  
fir datt se all duerch hie gleewe sollten.
- 8 Hie selwer war net d'Liicht,  
ma hie sollt Zeegnes vum Liicht ginn.
  
- 9 Dat wierklecht Liicht,  
dat jidder Mënsch mat Liicht erfëllt,  
koum an d'Welt.
- 10 Et war an der Welt,  
an d'Welt ass duerch et entstan,  
an d'Welt huet et net erkannt.
- 11 Et ass an säin Eegentum komm,  
an seng eege Leit hunn et net opgeholl.
- 12 Ma all deenen, déi et opgeholl hunn,  
huet et d'Recht ginn, Kanner vu Gott ze ginn –  
dat sinn déi, déi un säin Numm gleewen.

- 13 Si si weder aus Blutt,  
nach aus dem Wëll vum Fleesch,  
nach aus deem vun engem Mann gebuer,  
ma aus Gott.
- 14 An d'Wuert ass Fleesch ginn,  
an et huet säin Zelt ënner äis opgeschloen,  
a mir hunn seng Herrlechkeet gesinn,  
d'Herrlechkeet vun deem,  
deen eenzeg an eleng aus dem Papp gebuer ass,  
voll vu Gnod a Wourecht.
- 15 De Johannes gött Zeegnes vun him.  
Hien huet geruff:  
"Deen heite war et, vun deem ech gesot hunn:  
Deen, deen no mir kënnt, ass mir viraus,  
well hie viru mir war."
- 16 Well aus sengem Volltëm hu mir alleguer kritt,  
Gnod iwver Gnod.
- 17 D'Gesetz gouf nämlech duerch de Moses ginn,  
d'Gnod an d'Wourecht sinn duerch de Jesus, de Christus, entstan.
- 18 Et huet nach kee jeemools den Herrgott gesinn.  
Deen, deen eenzeg an eleng [aus dem Papp] gebuer ass  
– hien ass Gott –,  
an deen am Schouss vum Papp ass,  
hien huet äis vun him erzielt.

*G. Evangelium vun eiser Här Jesus Christus.*

*A. Dech, Christus, luewe mir.*